

Page: 10

Reach: 0

Country: BOSNIA AND HERZEGOVINA

Size: 272 cm²

1 / 1

Njih Sedam, a jedna iz politike

U našoj zemlji, u organizaciji Sarajevskog otvorenog centra i švedske ambasade, u naredna tri dana biće izvedena scenska čitanja revolucionarne dokumentarne drame "Sedam", koja je do sada izvedena na preko 70 lokacija, a izvodili su je i parlamentarci Evropskog parlamenta.

Drama donosi lična iskustva sedam žena iz različitih dijelova svijeta, koje su se, svaka na svoj način, borile za svoja prava. Njih su intervjuijale također žene, dramaturginje, a Hedda Krausz - Sjögren, spisateljica, glumica i producentica iz Švedske, osmisila je koncept u kojem sedam žena iz lokalne zajednice čita te tekstove za publiku. Od samog početka, učesnice i učenici projekta su birani iz svih sfera života, tako da su se među izvođačima našle i političarke i političari, te je u jednom navratu jedan od tekstova čitala Beatrice Ask, švedska ministrica pravde.

Što se tiče Bosne i Hercegovine, u eki-


pu koja će nastupiti u scenskim čitanjima, odabrane su uglavnom žene iz kulturnog života - tu su Selma Spahić i Tanja Miletić - Oručević, teatarske rediteljice, Vesna Andree Zaimović, muzikologinja i urednica web portala, Darija Butaković, direktorica filmskog festivala, Kristina Ljevak, novinarka, Amna Popovac, poduzetnica, te Besima Borić, jedna iz političkih voda, zastupnica u Predstavničkom domu Parlamenta FBiH.

U političkom okruženju u kojem živimo, gdje se učešća političara i političarki vagaju mikronima, izbor jedne političarke u izvođenje ovog kulturnog događaja donekle je upitno. Besima Borić je bez daljnog aktivista u pogledu zaštite prava žena, ali nisu li to i ostale političarke u našem dnevnapolitičkom mikroskopisu?

U državi gdje bez daljnog političari, a ne političarke, vode glavnu riječ, sam angažman neke žene u politici znači i borbu za ženska prava, nije svejedno ko će javno nastupiti i govo-

riti u ime onih ostalih, čitajući iskustva onih koje su prošle vlastiti pakao. U Bosni i Hercegovini, u mjeri koja je generalno nedovoljna, ipak djeluje dostatan broj političarki koje su mogle preuzeti cijeli projekt "Sedam" na sebe i tako na još direktniji način poslati poruku o stanju žena u našoj državi. Ili ima dovoljan broj onih koje nisu u politici, a također se bore za ženska prava. Tim prije što je nesumnjivo počela izborna kampanja.

Iz sarajevskog Otvorenog centra odgovaraju da je jedini kriterij bio da su žene koje učestvuju u projektu uspješne u svojim poljima i da se aktivno bore za prava žena u našoj zemlji. Ako žene političarke nisu uspješne samim tim što su se odlučile uhvatiti ukoštač sa muškarcima u borbi zvanoj politika, pa i za mjeru više od onih koje su uspješne na drugim poljima, onda bi možda trebalo razmisljati da li će poruka drame "Sedam" biti prenesena onako kvalitetno kako je mogla biti.



OSVRT

Piše: Nisad SELIMOVIĆ

U Bosni i Hercegovini, u mjeri koja je generalno nedovoljna, ipak djeluje dostatan broj političarki koje su mogle preuzeti cijeli projekt "Sedam" i tako poslati poruku o stanju žena u našoj državi